

角色：

欺凌者：伍豪仁                      被欺凌者：任仁霞                      協助者：蔡一都  
旁觀附和者：薛花桑                      局外人：伍豪仁孖生弟弟，與仁同班

場景一：班房

伍豪仁：喂！蔡一都，你有無見過昨日任仁霞放上膠凳篇文？

蔡一都：有啊，都真係幾睇佢唔順眼，現實個人毒到無朋友，竟然 O 係網上面扮晒情場浪子咁，O 係度分享埋 D 情場風流史，嘩，一睇知佢係吹水啦，又竟然會有咁多人 BUY 佢，真係愈黎愈睇佢唔順眼！

伍豪仁：喂啊都，不如我地.....整蠱一下佢囉？

蔡一都：吓，點啊？唔通走去揭穿佢既真面目啊？邊有咁易啊，唔通我地 O 係個討論區度講，話現實的他不是那麼的浪漫，咁就會有人信咩！

伍豪仁：邊個話要我地揭穿佢先.....整到佢一身蟻仲過癮啦~

蔡一都：吓，點整先.....

伍豪仁：一陣間電腦堂，我地坐 O 係佢附近之嘛，睇佢個樣一定會 login 覆留言啦，咁果時我地擰擰個頭，望下佢個密碼，咁之後我地咪可以.....你懂的。

蔡一都：ok 喎，到時扮係佢亂咁講野得罪人，佢唔死都一生潺啦！

場景二：電腦室

老師：啦...我地今日會繼續.....

伍豪仁：(細聲地)喂啊都，我見佢上論壇啦，你睇唔睇到佢 keyboard 打咩字啊？

蔡一都：無問題啦，十分清楚！

(任仁霞在輸入帳號與密碼)

蔡一都：(心裏說話)唔係啊嘛，以家咩年代啊，仲用電話號碼做密碼？真係唔借你個戶口用都唔好意思啦，老細.....

伍豪仁：喂，啊都，點啊，睇唔睇到要睇既野？

蔡一都：睇到啦，嘩，早之唔駛咁煩去偷望啦！個密碼咪就係佢個電話號碼囉！

伍豪仁：唔係啊嘛，咁都得？政府都有教啦，唔好用自己 D 電話號碼，出生日期同埋身份證號碼黎做密碼架啦.....咁都唔聽，真係俾人用左佢戶口都唔知啦。

### 場景三：伍豪仁家中

伍豪仁：啦，我地以家登入佢戶口先，然後慢慢串下人，等 D 人對佢反感先啦

蔡一都：喂，你細佬 O 係度喎，怕唔怕佢爆大鑊架

伍豪仁：怕乜野啊...佢聲都唔多出，點夠膽爆我地大鑊啊，你話係咪嘍細佬！

仁弟：.....(走到自己房間並鎖門)

伍豪仁：噏，你睇，佢都無眼睇啦

蔡一都：喂，唔好等啦，一於搞大佢，挑起紛爭啦係咪先！？

伍豪仁：梗係唔係啦，一開始就亂黎，聰明人一睇就知佢戶口俾人入侵啦，你都傻既，呢 D 梗係一步步慢慢黎啦係咪先！？

蔡一都：咁你都講得幾有道理.....

(背景 fadeout，顯示二人一直在電腦面前「度橋」)

### 場景五：班房

伍豪仁：喂，你就威威啦，O 係膠凳討論區一反傳統，唔再發埋 D 肉麻骨痺既文，轉行玩挑撥，人氣急升上晒位啦。

薛花燊：係喎，我都見到喎，真係好爆喎你，平時你 D post 都係得百幾二百個回文，今次果 D 就黎搞到爆 post 咁濟喎，上晒位啦你！

任仁霞：唔好再講，個戶口俾人盜用左，我都諗緊點搞

蔡一都：你個戶口唔俾人盜用就奇啦，個密碼咁鬼易估，點有人用手提 number 做密碼架？一試就知啦，盜用果個人真係唔擺黎用都對你唔住啦係咪先？

任仁霞：你點知我個密碼係我 O 既手提號碼？你試過黎？你唔試你點知？

蔡一都：(語窒)咩...咩啊，你唔好屈得就屈啎，我隨口講下咋啎，點知會咁都俾我講中先？

班上某同學：(悄悄地拿出手機)，喂，任仁霞，你俾人借刀撩交打之後，俾人起左底啎

薛花燊：咦，係啎，喂！連你平時個樣都俾人搵到啎，出生日期年月日、手提 number、地址，真係差時辰八字咋啎，如果唔係真係乜都齊晒！抵死啦你，用埋 D 咁弱既密碼！

任仁霞：唔係啊？關我咩事啊？我咩都無做過！咁都俾人搞？最衰都係你啊蔡一都，搞埋 D 咁既野！

蔡一都：喂，我都唔想個啎大佬，我同啊仁都係諗住玩下架咋啎，點知會玩到咁大先得架！

伍豪仁：喂！你傻架，你咁同認左有咩分別？

薛花燊：哦，原來係你兩個.....係就玩

班上某同學：係...你係咩都無做過，但唔代表咩事都無係咪？

伍豪仁：(拉蔡一都到一旁)喂，點算，無諗過玩到咁大個啎...

蔡一都：你問我我問邊個？我夠唔知會搞到咁洛！